

Gedicht von Vreni Schlegel

Scho bald isch wieder e Johr verbi.
Und mir schriebe e neue Johrzahl das scho gli
Villi schöni Wanderige hämer gmacht,
hän mitänand gspässlich und mitenand glacht.
Trotz ab und zu äme Rägeguss,
sie alli zfriede gsi am Schluss.
Au hämer immer e feine Zmittag dörfe ässe,
und sie zwei Stund gmietlich zämegsässe.
Euse tolle Wanderleiter und Wanderleiterinne sägerner hätzliche Dank,
fürs organisiere und dass sie finde immer jede Rank.
Mir si e tolli Wandergruppe das isch wohr
Drum freue mir is scho ufs nächshti Johr.
Ich wünsch euch no e schöni Wiehnachtszyt
blibet gsund und blibet fit.